

外科選要目錄卷五

甘疽胸發

肺疽膺中疽并疽脾發疽

乳癰

乳頭破裂乳血乳汁自流

乳疳乳癖

乳巖

乳少

血瘡瘡傳心疽

脅痛

脅疽

內發丹毒俠熒疽

骨蒸瘡腰帶癰

幽癰中腕疽赫癰

小兒臍汁不乾臍風臍突臍爛臍中出血

臍上疽臍癰臍漏

肚癰小腹癰緩疽

便毒橫痃

下疳傷寒瘡後內外瘡

囊癰腎囊風

濕陰瘡胞漏瘡

陰吹陰瘡

陰蝨

陰菌

陰挺

陰戶腫突交接出血

腿游風肚門癰上水魚黃鯁癰大腿癰

附骨疽多骨疽

膝蓋癰托疽

膝眼風鶴膝風小兒竊膝

伏兔疽下石疽緩疽

委中毒四灣風

流火三里發脚氣瘡

臙瘡

血風瘡腎臟風

濕毒流注

爪藤纏接骨發黃鰵癰鱗漏

青蛇便脛疽魚肚癰腓脰疽

脚氣

風疽內踝疽外踵疽

穿踝疽足發背足心癰

田螺炮脚指如油煎

脫疽

敦疽青蛇頭

厲癰臭田螺

脚了爛甲疽

牛程躓足跟疽

土栗冷疔雞眼

外科選要卷五

昭文徐惠銓春泉氏選

門人孫堉育蕃氏梓校

甘疽胸發

靈樞云甘疽發於膺

膺胸兩旁高起亦謂之臆

色青其狀如穀實爪莖常

苦寒熱急治之去其寒熱不急治十日死死後出膿

心法曰此疽生於乳上肉高聳處屬肺經中府穴之下無論左右皆由憂思氣結而成

薛立齋曰胸發生於正胸堂去結喉三寸與心窩不遠乃手足六經交會之所其患最凶喪人性命宜速治若三四日

失治則皮開肉裂甚可畏也若使長大百不一救宜用牛
黃熊膽研細香油調塗四邊弦上以免開花如痛用乳香
沒藥為末鋪粗紙內外以青布片捲好蘸清油點著在瘡
四圍照之痛自止矣內服清熱護心祛毒鎮心湯劑若開
花穿穴神仙莫救

肺疽臃中疽并疽脾發疽

申斗垣曰肺疽即天火瘡乃任脉之經當胸而生在紫宮玉堂之穴十日可刺膿水黃白色者可治如無膿漸太傍攻上硬下虛自破流水不絕咳唾引痛者死

王肯堂曰臃中疽生心窩上兩乳中間屬任脉經臃中穴蓋臃中為氣之海氣所居焉能分布陰陽若臟腑陰陽不和七情不平則發此證稍遲則潰爛惡證多者難治

靈樞云發於胸名曰井疽其狀大如豆三四日起不治下入腹不治七日死矣

王肯堂曰心窩生疽初起如黃豆肉色不變名曰井疽又名穿心冷癰若冷氣攻心精神恍惚嘔吐冷痰惡聞食臭毒氣內陷腹脹滿者不治若心躁如火肌熱如焚不時盜汗唇焦舌乾黃色渴飲冷水者是正候也

馮楚瞻曰胸前有一孔常出血水名曰心漏用嫩鹿茸去毛酥炙附子炮去皮臍鹽花共為細末棗肉為丸每服三十丸空心酒下兼治腎虛腰痛如神

王肯堂曰脾發疽生心窩下兩傍屬脾經食竇穴無論左右皆生由多食煎燂醉飽入房以致毒聚脾經而成稍遲則

潰傷脾膜、膿如蟹沫者死。服藥而嘔、飲食不進者死。
心法曰：此疽因過飲辛熱藥酒、積火成毒亦生。

乳癰

馮楚瞻曰婦人之乳男子之腎皆性命之根也人之氣血周行無間寅時始於手太陰肺經出於雲門穴穴在乳上丑時歸於足厥陰肝經入於期門穴穴在乳下出於上入於下肺領氣肝藏血乳正居於其間也其足陽明之脉自缺盆下於乳又衝脉者起於氣街並足陽明夾臍上行至胸中而散故乳房屬足陽明胃經乳頭屬足厥陰肝經婦人不知調養有傷衝任且忿怒所逆鬱悶所遏厚味所釀以致厥陰之氣不行陽明之血熱甚或為風邪所客則氣壅

不散結聚乳間或硬或腫疼痛有核乳汁不出名曰妬乳
漸至皮膚焮腫寒熱往來謂之乳癰風多則硬腫色白熱
多則焮腫色赤不治則血凝氣為壅滯而與乳內津液相
搏腐化為膿治之之法凡初起寒熱焮痛即發表散邪疏
肝清胃速下乳汁導其壅塞則病可愈若不散則最易成
膿宜用托裏若潰後肌肉不生膿水清稀宜補脾胃若膿
出反痛惡寒發熱宜調營衛若晡熱焮腫作痛宜補陰血
若食少作嘔宜補胃氣切戒清涼解毒反傷脾胃也

又曰有因婦人所乳之子膈有滯痰口氣焮熱含乳而睡熱

氣吹入乳房凝滯不散遂生結核若初起時忍痛揉軟吮去乳汁即可消散失此不治必成癰腫亦有因小兒斷乳後不能回乳或婦人乳多嬰兒少飲積滯凝結又或經候不調逆行失道又有邪氣內鬱結成癰腫初起時切勿用涼藥蓋乳本血化不能漏泄遂結實腫乳性清寒又加涼藥則陰爛宜也惟涼藥用之既破之後則佳如初發時宜用南星姜汁敷之可以內消更加草烏一味能破惡血逐塊遇冷即消遇熱即潰更加乳香沒藥以定痛內則用瓜蒌十宣散通氣散間服之然年四十已下者治之多瘥以

氣血旺故也五十以上慎勿治之多死以天癸絕也不治
自能終其天年若欲加治惟調氣血為主若鬱怒肝火熾
盛為腫為痛者自當疏肝散鬱兼以養血和血則肝陽不
強而腫自退若鬱結彌甚血滯不舒更由乳汁壅積潰而
成膿則為乳癰矣氣血大傷尤宜重為滋補少佐疏肝解
毒若專事清解則潰者難膿而膿者難長矣

胡公弼曰婦人乳有十二穰始生乳癰祇患一穰膿血出盡
又患一穰逐穰輪流傷至七穰即傳次乳次乳患徧則危
而不救者多矣初起每早服元壽丹可保餘穰不受傳毒

又曰憂怒傷肝肝氣滯而結腫者初起必煩渴嘔吐寒熱交作腫痛疼甚者牛蒡子湯主之厚味飲食暴怒肝火結腫者橘葉湯主之

又曰男子乳頭屬肝乳房屬腎女子乳頭屬肝乳房屬胃又曰不乳兒婦人患乳名曰害乾奶子

汪省之曰如懷孕八九月患內吹乳雖膿出腐脫肌生必待分娩而後始能收口

申斗垣曰胎氣旺而上冲致陽明乳房作腫名曰內吹又名裏吹奶

馮楚瞻曰乳癰者俗呼曰吹乳吹者風也風熱結泊於乳房之間血脉凝泣焮痛脹潰稠膿湧出此屬膽胃熱毒氣血壅滯又名乳癰為易治用青皮疎厥陰之滯石膏清陽明之熱甘草節解毒而行污濁之血荊防散風而兼助藥達表瓜蒌沒藥青橘葉皂刺銀花土貝母當歸及酒佐之無非疏肝和血解毒而已加艾隔蒜灸二三十壯於痛處最效切忌刀針傷筋潰脉為害不小

陳自明曰懷孕患乳曰內吹乃胎氣旺而上冲致陽明乳房作腫宜石羔散清之亦可消散遲則遷延日久將產出膿